

Referat frå SU-møte 19.april 2022

Desse møtte:

Anne Kristin Lund (referent), Birgit Berg Hustveit (leiar i SU), Karin Haugane (tilsetterepresentant), Hildegunn Bergheim (tilsetterepresentant) Mette Johannessen (tenesteleiar), Mariann M. Volløyhaug (nestleiar i SU) Olaug Marie Bjelde (eigarrepresentant),

Fråfall:

Sak 1/22 Godkjenning av sakslista og innkalling

- Alle innkomne saker er informert om, og det er ingen merknader.

Sak 2/22 Infosaker frå styrar

• Barnehageåret 2021/2022

- Gjennomgang og evaluering av årshjulet til Kjørnes barnehage

FN – kafé

- Fint opplegg og aktivitet – sal av epesylte går godt; mange som vil kjøpe, og kan vurdera å auke produksjonen slik at besteforeldre og andre kan få moglegheit til å kjøpa og støtte ei god sak.
- Føresette har full forståing for organiseringa av dagen, men ønskjer ei ny vurdering på organisering av salsbodar av syltetøy, pølse og kaker til neste år. Mange stasjonar og ein mistar oversikta på kva og kor ein skal handle.

Julegrupper

- Positivt å blanda avdelingane; kjekt for liten og stor. Må tenke på dei barna som er litt sjenerete og utrygge; godt å ha med ein fast voksen på gruppene når ein rullera.

Grautfest

- Foreldra er positive til arrangementet slik som det har vore. Barnehagen foreslo kake og gløgg, men landa på å gjennomføre arrangementet som tidlegare med graut.

Temafest

- Har delt opp forestillingsdagen på to dagar; små for seg og store for seg, men alle er publikum begge dagane. God organisering på temafesten både for liten og stor. Alle koste seg både med framføring og som publikum.
- Kjekt å få dele videoen på OneDrive. Positivt stund i heimane å kunne sjå filmane saman med ungane.

Påskegrupper

- Fint med rullering i blanda aktivitetsgruppe som ved julegrupper. Kjekt med påskefrukost avdelingsvis med foreldre og søsken. Viktig med mange nok tilsette på slike tilstellingar.

Besøksdagar

- Simas, flyplassen og museet ser ut til å gå i orden i år.
- Bjørnehiet og Maurtua reiser på ViteMeir 6.mai. Me får dekt både buss og opphold denne dagen, eit flott initiativ /støtte frå kommunen.

Evaluering

Skal me gjennomføre evalueringsskjema til føresette og tilsette som i fjar?

- Om det er færre spørsmål vil kanskje fleire svara på evalueringa.
- Det var mange spørsmål, men det var valfritt kor mange ein ville svare på.
- Mange av spørsmåla var berre Ja/nei.
- Når me utarbeida årshjul og årsplan for barnehageåret tek me med oss tilbakemeldingane me får på evalueringa inn i det arbeidet.

Foreldremøte

- Positive til organiseringa med kafèdialog på møte om hausten. Den møteforma gir alle moglegheit til å koma med innspel til arbeide i barnehagen; ikkje berre reint infomøte.
- Felles temamøte for alle barnehagane om våren er bra.

• Barnehageåret 2022/2023

- Me er 6 avdelingar; 3 småbarnsavdelingar i Gulehuset og 3 storbarnsavdelingar som held til på Knubben, Skuleholten og Furehaugen.
- Det blir 90 barn neste barnehageår.
- Det var 43 søkerar som hadde Kjørnes barnehage på 1.plass; 23 av dei har fått plass hjå oss og takka ja til det.
- 13 av dei er søsken og 8 er overføring frå andre barnehagar.
- Slik som det er no er årskulla so store at dei fyller ein avdeling, og det blir aldersreine avdelingar utanom på Vetlebekken som blir 1- og 2-års avdeling.

- Alle barna får med seg nokre kjende vaksne og barn når dei byter avdeling.

Innspel

- Ikkje større grupper enn i år.
- 4 stillingar ledige som ein jobbar med å få tilsett i.

• **Barnehagefotografering**

- Mette har bestilt fotograf, Norsk Skolefoto, til gruppe, søsken- og portrettbilete fotografering 8. og 9. juni kl. 09 – 12.
- Dei starta med å fotografera gruppebilete av alle; småbarnsavdelingane først. Deretter portrettbilete av de yngste + søsken, og så portrettbilete av dei eldste til slutt.
- Sjå vedlegg for meir informasjon.

Innspel

- Norsk Skulefote kjem til å ha kommunikasjonen med føresette angåande bestilling.

• **Dugnad**

Innspel

- Flott dugnad i haust; mange som møtte og mykje vart gjort. Kjekt med dugnad.
- Vårdugnaden må skje før 17. Mai.
- Tilsette med barna kostar og spyler ute i barnehagetida.
- Foreldre kan vera med å måla paradis, dokkestova og eventyrveggen ute ved Kleivane.
- Bygge vidare på uteleikeapparat ved Knubben.
- Storaneset treng oppgradering; blant anna ny lavvo.
- Anne Kristin lagar ei dugnadslista der føresette vel kva dei ønskjer å bidra med. Kjem ut på Visma.

• **Sommarfest**

- SU bestemde at til Sommarfesten 2022 tek kvar familie med seg det dei ønskjer av mat, og barnehagen stiller med grill som tidlegare. Men foreldrerepresentantar delegera kakelister til foreldra.

Innspel:

- GRØN gruppe får ansvar for kakebaking (grøn gruppe kvart år) til sommarfestane.
- Foreldrerepresentantane sender ut kakelistinfo til dei som har barn i grøn gruppa (avd. Maurtua).
- Sommarfesten starta med underhaldning kl.15.00, so blir det grilling og kaker etter underhaldninga.

Sak 3/22 Innkomne saker frå foreldre

- **Tryggare parkeringstilhøve**

- Ønskjer at ein tek initiativ til å lage betre og tryggare parkeringstilhøve. Det bør prioriterast av kommunen, som er eigar, å merke opp parkeringsplassane, og viktigast av alt setje opp skilt med evt. oppmoding/ krav om å rygge på plass.

Innspel

- Har vore ute høyringsutkast frå kommunen. Trafikktryggleiksplan ligg ute til høyring no, og høyringsfristen for innspel er **torsdag 21. April**. Det ligg eit innspelskjema på kommunen sine heime sider.
- Kan samkøyre denne saka med Kjørnes vel. Å få det frå fleire kan gjera det lettare å få gjennomslag på saka.

- **Lageret til Kjørnes vel**

- Lageret til Kjørnes vel blir òg nytta av reinhaldar og barnehagen. Detta kan bør spelast inn til kommunen for å finne ei løysing på; barnehagen har ikkje nok lagringsplass, og lageret innafor kjøkenet til Kleivane er det Kjørnes vel som har avtale på å disponera.